

Pueblo kier sa

KIKO MAS A HACI CU PLACA DI LOTTO PA DEPORTE?

ORANJESTAD(AAN) -- Mientras cu Gobierno ta ha- siendo su investigacion den e maneho di fundacion Lotto pa Deporte, un cantidad di pregunta ta sigui bini dilanti tocante di kiko esnan en- carga cu Lotto pa Deporte, bao responsabilidad di e Minister di Deporte di MEP, tabata haci cu e fondonan di Lotto?

Mester cuminsa corda cu Lotto a worde lanta cu e bunita meta pa crea fon-

donan pa stimula deporte na Aruba. E resultado di e en- tradanan di Lotto pa Deporte a surpasa tur expectativa. Esaki mesora a nifica cu e sumanan cu e fundacion mester a bay maneha a bira mas atractivo.

Lastimamente no masha hopi hende a yega di tende di e maneho di e fundacion Lotto pa Deporte. Realmente e directiva di e funda- cion no a haci mucho trabao pa haci nan maneho conosi y menos aun transparente.

E por wel di ta un funda- cion pero ta cu placa cu a sali for di nos comunidad nan ta traha. Placa cu hendenan a pretera di hinca den e funda- cion pa stimula un bon causa, enbez di hinca e placa aki den un otro loteria cu no ta sirbi ningun otro meta cu gana placa.

Saliendo for di e pen- samento aki, lo tabata bon pa e directiva for di su cumin- samento a splica y ripiti e metanan di e fundacion y splica con a inverti e placa di Lotto pa sirbi e meta di stimula deporte.

Infraestructura Deportivo

Como ehempel por sirbi e inversion den mastnan di luz. A inverti basta placa den e mastnan di luz ariba veld- nan rond di Aruba, pero semper a cuestiona e inver- sion aki. Pasobra deportis- tanan ta bisa bo cu envez di pone luznan cu nan no ta uza mas cu un biaha pa siman y cu ta costa masha hopi placa na coriente, pakiko no a in- verti mas den instructornan

pa deporte den tur bario y door di esey lanta tanto in- teres, como desaroya talento.

Ainda no a papia mes di e mantencion di e mastnan den futuro sercano mes! Ta ken ta bay cubri tur esakinan? E clubnan mes?

Ta bai kita esaki for di nan subsidio, si a cas nan ta haya mes?

Tin hopi mas pregunta com- premetedor cu mester haya contesta di e directiva di e fundacion Lotto pa Deporte y di e Minister di Deporte. Preguntanan cu ta circula den Pueblo y cu mester haya

contesta ta manera:

-e forma cu cos a bay cu e reconstruccion di e sporthal na Santa Cruz. Ta ken ta financi y ta ken tabata en- carga cu e supervision di e reconstruccion y cu no a raporta ta kiko tabata pasando cu e proyecto te cu e ta bai costa mas cu 1 MI- YON FLORIN EXTRA. E preguntanan aki ta bira mas importante ainda si tene cuenta cu no a haci destaho publico pa e reconstruccion y cu no tabata tin contract firmá pa e construccion! E cos aki ta cuminsa hole malo y ta haci cu esnan cu tabata encarga cu maneho di fondo di Pueblo (aunke un fundacion!) mester bin splica ta kiko a pasa.

- den e mes un asunto aki di sporthal na Santa Cruz a haci uzo di trahadornan di KIA. Ta con esaki a bay y kiko nan a worde paga? E su- manan aki ta di acuerdo cu reglanan estableci?

- un otro caso ta e inversion di placa di Lotto pa Deporte den un gimnasio ultra mod- erno cu nunca a habri pa de-

portistanan ni pa Pueblo. Ta na unda e gimnasio aki a worde traha y dicon depor- tistanan no por hasi uzo didje? No ta cu placa di comunidad a traha e gym aki?

- un otro caso ta e zwembad olympico. Kiko a haci for di dia cu a cuminsa coba na Savaneta pero ariba un otro tereno cu tabata tin planea y destina pa hopi aña? Pakiko a cambia e sitio y pakiko awe cinco aña y ocho luna despues cu Gobierno a cam- bia ainda no a traha ariba e piscina olympico aki? Ta ken a paga pa e trabaonan di drecha tereno?

Asina tin hopi pregunta mas cu nunca a haya contesta pero cu a bira tempo pa con- testa.

Esnan cu tabata encarga cu e maneho di deporte y di Lotto pa Deporte cu a financia hopi di e "projectonan" aki, mester bin duna splicacion na Pueblo. Respet y re- sponsabilidad civico (y po- litico pa e minister) ta existi esey!

PUEBLO KIER SA SI GRANDINAN DI WEB Y ELMAR A COBRA BONUS LUCRATIVO

ORANJESTAD (AAN): E siman aki, e telefonnan di DIARIO tabata red-hot di lectornan cu ta yama pa pone redaccion na altura cu e "pay-day" di trahadornan di WEB y di Elmar ta cerca.

Lectoman a haci esaki pa muestra cu WEB y Elmar lo por tin e intencion di paga e "grandinan" un bonus lucra- tivo atrobe manera di aña pasa.

Algun hasta ta puntra di con awor si Nel no ta bini cu un di su listanan pa muestra pueblo cuanto e grandinan di WEB y Elmar lo ricibi na bonus.

"Ban spera cu Nel por yuda pueblo mira cuanto Laclé y Wever ta hayando di bo- nus," un lector a splica na DIARIO.

BONUS NA MEI CABA? Sinembargo varios indicacionnan a cuminsa drenta cu debi cu aña pasa tabatin mucho publicidad riba e asunto di Bonus di Pasco aki, e posibilidad ta existi cu e grandinan di WEB lo a haya nan bonus na luna di Mei 1994 caba!

Si esaki a ser haci, anto e lo tabata un tactica pa asina no lanta mucho stof durante luna di December.

Pero e pensamiento di hopi trahador di WEB y Elmar e dianan aki ta... ta cuanto e hefenan a cobra di bonus?

**NUMBER DI FAX
DI DIARIO
28551**

GRAFICO SALARIAL!!!

